

Na osnovu člana 3. stav (1) Pravilnika o postupcima u provođenju Programa razvoja male privrede Hercegovačko-neretvanskog kantona 2025.-2028. godine („Službene novine HNK“, broj: 16/2025), Strategije razvoja male privrede Hercegovačko-neretvanskog kantona 2023. – 2027. godina („Službene novine HNK“, broj: 10/23) i tačke I stav (3) *Odluke o usvajanju Programa utroška sredstava Ministarstva privrede s pozicije „Subvencije privatnim preduzećima i poduzetnicima (po odluci Vlade)“*, utvrđene Budžetom Hercegovačko-neretvanskog kantona za 2025. godinu, broj: 01-1-02-2955/25, od 03.12.2025. godine, a u vezi Zakona o sistemu državne pomoći u Bosni i Hercegovini („Službeni glasnik BiH“, broj: 10/12 i 39/20) i Uredbe o uslovima i postupku za dodjelu pomoći male vrijednosti - de minimis pomoć („Službene novine Federacije BiH“, broj: 27/18), Ministarstvo privrede Hercegovačko-neretvanskog kantona objavljuje

JAVNI POZIV
za odabir korisnika sredstava Ministarstva privrede s pozicije
„Subvencije privatnim preduzećima i poduzetnicima (po odluci Vlade)“
utvrđene Budžetom HNK za 2025. godinu

I PREDMET JAVNOG POZIVA

Predmet Javnog poziva je prikupljanje prijava - projektnih prijedloga za dodjelu bespovratnih sredstava Ministarstva privrede Hercegovačko-neretvanskog kantona (u daljem tekstu: **Ministarstvo**), s pozicije - „Subvencije privatnim preduzećima i poduzetnicima (po odluci Vlade)“, utvrđene u razdjelu 36, potrošačka jedinica 0003, ekonomski kod - 614500 „Subvencije privatnim preduzećima i poduzetnicima (po Odluci Vlade)“, Budžeta Hercegovačko-neretvanskog kantona za 2025. godinu („Službene novine HNK“, broj: 4/25).

Prikupljanje prijava za dodjelu bespovratnih sredstava vršit će se u skladu sa *Odlukom o usvajanju Programa utroška sredstava Ministarstva privrede s pozicije „Subvencije privatnim preduzećima i poduzetnicima (po odluci Vlade)“* utvrđene Budžetom HNK za 2025. godinu, broj: 01-1-02-2955/25, od 03.12.2025. godine (u daljem tekstu: **Odluka o usvajanju Programa utroška sredstava Ministarstva**).

II MJERE, CILJEVI MJERA, KORISNICI SREDSTAVA, NAMJENA, USLOVI ZA APLICIRANJE, KRITERIJI RASPODJELE

Odlukom o usvajanju Programa utroška sredstava Ministarstva, iz tačke I ovog Javnog poziva, utvrđene su mjere - LOT- ovi, ciljevi mjera, korisnici sredstava, namjena, uslovi koje moraju zadovoljiti podnosioci zahtjeva za bespovratnim sredstvima (aplikanti), kriteriji raspodjele, te maksimalni iznosi sredstava koja će biti dodijeljena odabranim korisnicima, prema utvrđenim kriterijima.

Mjere su razvrstane u tri (3) LOT-a i to:

Ciljevi: stvaranje uslova za osnivanje novih subjekata male privrede; povećanje broja subjekata male privrede, na području HNK; kreiranje novih i zadržavanje postojećih radnih mjesta.

Korisnici sredstava: subjekti male privrede (**fizička i pravna lica**), sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13, 1/16).

Izvor: Budžet HNK za 2025. godinu..

Iznos poticajnih sredstava: 250.000,00 KM.

Način korištenja poticajnih sredstava (namjena):

- troškovi prve registracije subjekta male privrede;
- nabavka opreme, računarske opreme, softverskih rješenja i materijala za rad;
- troškovi pravnih, savjetodavnih i administrativnih usluge;
- troškovi obuke i stručnog osposobljavanja zaposlenika;
- novo zapošljavanje;
- uređenje prostora za rad;

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, noćenja).

Uslovi:

Pravo prijave za poticajna sredstva Ministarstva imaju subjekti male privrede i to:

a) fizička lica, koja:

1. se bave obrtima,
2. su registrovana nakon 01.01.2024. godine,
3. imaju minimalno jednog (1) zaposlenog.

b) pravna lica, koja:

1. su registrovana nakon 01.01.2024. godine,
2. imaju minimalno jednog (1) zaposlenog,
3. pozitivno posluju od datuma osnivanja (samo subjekti registrovani u 2024. godini,
4. se bave sljedećim djelatnostima (razvrstanim prema KD BiH 2010):

I. prerađivačkom industrijom (C), (oblasti od C10 - C33), **osim sljedećih djelatnosti, za koje se ne može prijavljivati:**

Grana	Razred	Naziv
C12		Proizvodnja duhanskih proizvoda
C20		Proizvodnja hemikalija i hemijskih proizvoda
C21		Proizvodnja osnovnih farmaceutskih proizvoda i farmaceutskih preparata
C25	25.4	Proizvodnja oružja i municije
C30	30.3	Proizvodnja aviona i svemirskih letjelica, te srodnih prevoznih sredstava i opreme
C30	30.4	Proizvodnja vojnih borbenih vozila

II. informacijama i komunikacijama (J), **i to samo djelatnost J62** - računarsko programiranje, savjetovanje i djelatnosti u vezi s njima;

- III. stručnim, naučnim i tehničkim djelatnostima (M), i to samo djelatnost M71.12 - inženjerske djelatnosti i s njima povezano tehničko savjetovanje.

Fizička i pravna lica nemaju pravo prijave u slučaju:

- ako su registrovani kao dopunsko zanimanje (za fizička lica);
- ako su registrovani kao sezonsko zanimanje (za fizička lica);
- ako su bili korisnici po Javnom pozivu Ministarstva privrede HNK u 2024. godini;
- ako su bili korisnici sredstava po Javnom pozivu Federalnog ministarstva razvoja poduzetništva i obrta u 2025. godini;
- ako aplikant u vlasničkoj strukturi ima više od 25% vlasništva drugih pravnih lica (za pravna lica).

Kriteriji za odabir korisnika: broj zaposlenih; pripadnost vlasnika ciljnoj skupini (žene, mlade osobe do 35 godina starosti, osobe sa invaliditetom); ravnomjerna teritorijalna zastupljenost; stepen sufinansiranja; novo zapošljavanje; vlasnik/većinski vlasnik roditelj (3) troje i više djece (maloljetna djeca ili djeca do 26 godina, koja su na redovnom školovanju).

Sredstva se dodjeljuju korisnicima:

- **fizičkom licu (obrtu)** - maksimalno **do 6.000,00 KM**, s tim da se za troškove registracije dodjeljuje fiksni iznos od 800,00 KM, pod uslovom da za istu namjenu nije dodijeljen poticaj od drugog nivoa vlasti, u periodu 2024. - 2025. godina;
- **pravnom licu** - maksimalno **do 10.000,00 KM**, s tim da se za troškove registracije dodjeljuje fiksni iznos od 1.500,00 KM, pod uslovom da za istu namjenu nije dodijeljen poticaj od drugog nivoa vlasti, u periodu 2024. - 2025. godina.

LOT 2 - POTICAJ MALOJ PRIVREDI ZA DIGITALIZACIJU.

NABAVKU OPREME I ALATA

550.000,00 KM

Ciljevi: jačanje konkurentnosti subjekata male privrede, sa područja HNK, kroz podršku u nabavci opreme i alata za rad, neophodnih za jačanje potencijala u strateškim privrednim oblastima; podrška inovativnosti i digitalizaciji male privrede;

Korisnici sredstava: subjekti male privrede - **isključivo pravna lica**, sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13, 1/16).

Napomena: poslovne jedinice / podružnice u sastavu pravnih lica nemaju pravo prijave!

Izvor: Budžet HNK za 2025. godinu.

Iznos poticajnih sredstava: 550.000,00 KM.

Način korištenja poticajnih sredstava (namjena):

- digitalizacija poslovnih procesa, nabavka računarske opreme i/ili softverskih rješenja;
- nabavka opreme i alata za rad koji su namijenjeni djelatnosti koju aplikant obavlja;

- uvođenje sistema upravljanja kvalitetom, normi i znakova kvalitete;
- troškovi obuke i stručnog osposobljavanja zaposlenika;
- novo zapošljavanje;

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, noćenja).

Uslovi: pravo prijave za poticajna sredstva Ministarstva imaju subjekti male privrede - **pravna lica**, registrovani najkasnije do 31.12.2024. godine:

a) koja se bave djelatnostima (razvrstanim prema KD BiH 2010), i to:

1. vađenjem rude i kamena (**B**), (oblasti od B05 - B09), **osim slijedećih djelatnosti, za koje se ne mogu prijavljivati:**

Grana	Razred	Naziv
B06	06.10	Vađenje sirove nafte
B06	06.20	Vađenje prirodnog plina

2. prerađivačkom industrijom (**C**), (oblasti od C10 - C33), **osim slijedećih djelatnosti, za koje se ne mogu prijavljivati:**

Grana	Razred	Naziv
C12		Proizvodnja duhanskih proizvoda
C20		Proizvodnja hemikalija i hemijskih proizvoda
C21		Proizvodnja osnovnih farmaceutskih proizvoda i farmaceutskih preparata
C25	25.4	Proizvodnja oružja i municije
C30	30.3	Proizvodnja aviona i svemirskih letjelica, te srodnih prevoznih sredstava i opreme
C30	30.4	Proizvodnja vojnih borbenih vozila

3. informacijama i komunikacijama (**J**), **i to samo djelatnost J62** - računarsko programiranje, savjetovanje i djelatnosti u vezi s njima;
4. stručne, naučne i tehničke djelatnosti (**M**), **i to samo djelatnost M71.12** - inženjerske djelatnosti i s njima povezano tehničko savjetovanje;

b) koja su pozitivno poslovala u 2024. godini;

Pravna lica nemaju pravo prijave u slučaju:

- ako su bili korisnici sredstava po Javnom pozivu Federalnog ministarstva razvoja poduzetništva i obrta u 2025. godini,
- ako aplikant u vlasničkoj strukturi ima više od 25% vlasništva drugih pravnih lica (za pravna lica).

Kriteriji za izbor korisnika: broj zaposlenih; stepen sufinansiranja; ravnomjerna teritorijalna zastupljenost; dobijeni poticaji od strane Ministarstva u posljednje tri (3) godine; novo zapošljavanje.

Sredstva se dodjeljuju korisnicima u visini do maksimalno:

- za mikro poduzeća (od 1 do 9 zaposlenih) maksimalno do 15.000,00 KM;
- za mala poduzeća (od 10 do 49 zaposlenih) maksimalno do 22.000,00 KM ;
- za srednja poduzeća (od 50 do 249 zaposlenih) maksimalno do 25.000,00 KM.

LOT 3 - POTICAJ OBRTIMA, STARIM I TRADICIONALNIM

DJELATNOSTIMA

300.000,00 KM

Ciljevi: razvoj obrta, očuvanje zanatskih vještina i umijeća obavljanja djelatnosti, sa pretežno ručnim radom, očuvanje kulturno - istorijskog naslijeđa.

Korisnici sredstava: subjekti male privrede - **isključivo fizička lica**, sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj:4/10, 1/13, 1/16).

Izvor: Budžet HNK za 2025. godinu.

Iznos poticajnih sredstava: 300.000,00 KM.

Način korištenja poticajnih sredstava (namjena):

- modernizacija i adaptacija prostora za rad;
- troškovi obuke i stručnog osposobljavanja zaposlenika;
- nabavka opreme, računarske opreme, softverskih rješenja i materijala za rad;
- promocija i sajamske aktivnosti;
- novo zapošljavanje.

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, noćenja).

Uslovi: pravo prijave za poticajna sredstva Ministarstva imaju subjekti male privrede - **fizička lica**, koja se bave obrtom (**osim djelatnosti koje su navedene u tabeli ispod**) i imaju najmanje jednog (1) zaposlenog.

Djelatnosti, za koje se obrtnici **ne mogu prijavljivati, su:**

Područje	Oblast	Grana	Razred	Naziv
A	01	od 01.1 do 01.7 od 02.1 do 02.4 od 03.1 do 03.2		Biljna i stočarska proizvodnja, lovstvo i uslužne djelatnosti povezane s njima
A	02	od 02.1 do 02.4		Šumarstvo i sječa drva (iskorištavanje šuma)
A	03	Od 03.1 do 03.2		Ribolov i akvakultura
H	49	49	49.32	Taksi služba
H	49	49	49.41	Cestovni prevoz robe
M		69	69.20	Računovodstvene, knjigovodstvene i revizijske djelatnosti; porezno savjetovanje
S		96	96.02	Frizerski i drugi tretmani za uljepšavanje

S		96	96.04	Djelatnost za njegu i održavanje tijela
---	--	----	-------	---

Fizička lica nemaju pravo prijave u slučaju:

- ako su registrovani kao dopunsko zanimanje,
- ako su registrovani kao sezonsko zanimanje,
- ako su bili korisnici sredstava po Javnom pozivu Federalnog ministarstva razvoja poduzetništva i obrta u 2025. godini.

Kriteriji za izbor korisnika: broj zaposlenih; pripadnost vlasnika obrta ciljnoj skupini (žene, mlade osobe do 35 godina starosti, osobe sa invaliditetom); ravnomjerna teritorijalna zastupljenost; stepen sufinansiranja; dobijeni poticaji od strane Ministarstva u posljednje tri (3) godine; novo zapošljavanje; vlasnik roditelj (3) troje i više djece (maloljetna djeca ili djeca do 26 godina, koja su na redovnom školovanju).

Sredstva se dodjeljuju korisnicima u visini do maksimalno 6.000,00 KM.

III PRAVO PRIJAVE NA JAVNI POZIV

Pravo prijave na Javni poziv Ministarstva imaju samo subjekti male privrede - pravna lica i fizička lica (obrtnici), sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, koji su eksplicitno utvrđeni kao korisnici sredstava, za svaku pojedinu mjeru - LOT iz tačke II Javnog poziva.

Osim što su za korisnike sredstava, uz svaki LOT, iz tačke II, navedeni i dodatni uslovi, kao eliminatorni, prilikom razmatranja prijava na Javni poziv također će **automatski biti odbačena** (odnosno, neće se uzimati u razmatranje):

- a) elektronski nepopunjenu i/ili nepotpunu prijavu;
- b) prijavu, zaprimljenu nakon isteka roka trajanja Javnog poziva;
- c) prijavu, koja ne sadrži kumulativno opće i posebne priloge, koji se zahtijevaju u Javnom pozivu, za svaku pojedinu mjeru;
- d) prijavu aplikanta koji prijavu nije uvezao, te nije svaku stranicu numerisao i parafirao, te nije ovjerio pečatom aplikanta;
- e) prijavu aplikanta koji nije izvršio usklađivanje registrovanih djelatnosti sa Strukturom klasifikacije djelatnosti BiH 2010. (KD BiH 2010.), („Službeni glasnik BiH“, broj: 47/10);
- f) prijavu aplikanta koji je izvršio izmjenu šifre djelatnosti nakon objave Javnog poziva;
- g) prijavu aplikanta koji nije priložio dokumentaciju ovjerenu na način propisan u tački IV stav (3) ove Odluke;
- h) prijavu aplikanta, u kojoj se od Ministarstva zahtijeva **veći** iznos, od pojedinačnih limita, utvrđenih za svaku mjeru (LOT), iz tačke II ove Odluke;
- i) prijavu aplikanta koji, do objave Javnog poziva, nije opravdao od Ministarstva dodijeljena finansijska sredstva poticaja, iz prethodne, 2024. godine;

- j) prijavu aplikanta koji je bio korisnik poticajnih sredstva po Javnom pozivu Federalnog ministarstva razvoja poduzetništva i obrta u 2025. godini;
- k) prijavu aplikanta - primaoca državne pomoći male vrijednosti - de minimis, kojem su dodijeljena bespovratna poticajna sredstva, iz budžeta bilo kojeg nivoa vlasti u BiH, u tri (3) uzastopne fiskalne godine, u iznosu preko 200.000 €;
- l) prijavu aplikanta - korisnika poticajnih sredstava, kojemu je pravosnažnom odlukom suda izrečena kazna za prekršaj, koji se odnosi na nenamjensko korištenje sredstava poticaja, implementaciju sredstava nakon isteka ugovorenog roka, nedostavljanje, u roku, pismenog izvještaja o implementaciji odobrenih sredstava, uz odgovarajuće dokaze, obzirom da korisnik ne može aplicirati za poticaj, shodno članu 33. Zakona o poticaju razvoja male privrede i zaštiti tradicionalnih djelatnosti (obrta), u periodu od pet (5) godina, računajući od dana pravosnažnosti odluke o prekršaju, kojom je proglašen krivim;
- m) ukoliko aplikant prijavi više od jednog projektnog prijedloga.

IV SADRŽAJ PRIJAVE NA JAVNI POZIV

Prijava na Javni poziv mora biti urađena **sadržajno i redosljedom**, prema elementima koji se zahtijevaju, ovisno o pojedinoj mjeri - LOT- u.

Da bi prijava aplikanta (podnosioca zahtjeva) bila uzeta u razmatranje, moraju **kumulativno** biti ispunjeni sljedeći osnovni uslovi:

- a) podnijeti prijavu na obrascu - Zahtjev za uključivanje u Program,
- b) ponuditi sažetak projektnog prijedloga, u obrascu Zahtjeva za uključivanje u Program,
- c) dostaviti opće i posebne priloge, navedene u Javnom pozivu, za svaku pojedinu mjeru, sadržajno i redosljedom, navedenim u Javnom pozivu
- d) uvezati prijavu, svaku stranicu numerisati i parafirati, te ovjeriti pečatom aplikanta.

Zahtjev za uključivanje u Program

Pod ovim se podrazumijeva uredno popunjen obrazac - *Zahtjev za uključivanje u Program* (u daljem tekstu: **Zahtjev**), u kojem mora biti sažetak projektnog prijedloga aplikanta, gdje treba navesti sve bitne elemente projekta.

U Zahtjevu se navode i osnovni podaci, koji se traže o aplikantu (naziv aplikanta, adresa sjedišta, općina/grad, kanton, zakonski zastupnik, kontakt osoba, pravni status, vlasništvo, vrsta i šifra djelatnosti, identifikacioni broj (broj poreznog obveznika), transakcijski broj/naziv poslovne banke aplikanta), broj trenutno zaposlenih i broj osoba koje aplikant namjerava zaposliti, iznos bespovratnih sredstava koja traži od Ministarstva, kao i iznos vlastitih sredstava, koja će aplikant uložiti u realizaciju neke od mjera (LOT- ova) (**računajući od datuma objave Javnog poziva**), iz tačke II ovog Javnog poziva.

Zahtjev mora biti ovjeren potpisom i pečatom od strane ovlaštene osobe aplikanta.

Obrazac Zahtjeva se preuzima sa web stranice Ministarstva (www.privredahnk.gov.ba) i popunjava isključivo elektronski.

Opći prilozi

Pod općim prilogima se podrazumijeva dokumentacija koja se zahtijeva od svakog aplikanta, bez obzira na kategoriju kojoj pripada, kojom se nesumnjivo dokazuje da je on kompetentan, pouzdan i da redovno ispunjava svoje zakonske obaveze, vezane za njegovo poslovanje (uplata direktnih i indirektnih poreza i doprinosa), te da će poticajna sredstva upotrijebiti namjenski (u skladu sa uslovima iz Javnog poziva).

Lista općih priloga koji se zahtijevaju:

- a) Obavještenje o razvrstavanju pravnog lica prema klasifikaciji djelatnosti, koje izdaje Federalni zavod za statistiku (**ovjerena kopija**);
- b) Lista osiguranih lica za obveznika, koju izdaje Porezna uprava Federacije BiH, sa datumom nakon objave Javnog poziva (**original**);
- c) Aktualni izvod iz sudskog registra (**original**), ne stariji od (1) jednog mjeseca, računajući od datuma objave Javnog poziva - za pravna lica; Rješenje o registraciji, od nadležnog općinskog / gradskog organa - za fizička lica (obrt), (**ovjerena kopija**);
- d) Uvjerenje o poreznoj registraciji (**ovjerena kopija**);
- e) Uvjerenje / potvrda o registraciji poreza na dodanu vrijednost - PDV (ukoliko je u sistemu PDV-a, u skladu sa Zakonom o porezu na dodanu vrijednost) - (**ovjerena kopija**);
- f) Uvjerenje / potvrda o izmirenju direktnih poreza (doprinosa za PIO/MIO i doprinosa za zdravstveno osiguranje), koju izdaje Porezna uprava Federacije BiH (**original**);
- g) Uvjerenje / potvrda o redovnom izmirenju indirektnih poreza, koju izdaje Uprava za indirektno oporezivanje (ukoliko je u sistemu PDV-a, u skladu sa Zakonom o porezu na dodanu vrijednost), (**original**);
- h) Uvjerenje / potvrda od nadležnog suda da nije pokrenut stečaj / likvidacija privrednog subjekta, odnosno, uvjerenje od nadležne službe općine / grada da fizičko lice (obrt) nije prestao djelovati ili da nije pokrenut postupak brisanja (**original**);
- i) Potvrda banke o transakcijskom računu pravnog lica / obrta (**original**);
- j) Izjava (**I-1**), (obrazac koji se preuzima sa web stranice Ministarstva) o neosuđivanosti i nevođenju postupka, po osnovu privrednog kriminala fizičkog lica, odnosno odgovornog lica u pravnom licu, potpisana od strane aplikanta i ovjerena kod nadležnog organa uprave ili notara;
- k) Izjava (**I-2**), (obrazac koji se preuzima sa web stranice Ministarstva) o primljenoj državnoj pomoći male vrijednosti, od bilo kojeg nivoa vlasti u BiH (de minimis), koja je aplikantu dodijeljena u prethodne dvije fiskalne godine (2023.- o.j. i 2024.- o.j), te u tekućoj fiskalnoj godini, u skladu sa Zakonom o sistemu državne pomoći u BiH („Službeni glasnik BiH“, broj: 10/12, 39/20) i Uredbom o uslovima i postupku za dodjelu pomoći male vrijednosti - de minimis pomoć („Službene novine Federacije BiH“, broj: 27/18), potpisana od strane aplikanta i ovjerena kod nadležnog organa uprave ili notara;
- l) Izjava (**I-3**), (obrazac koji se preuzima sa web stranice Ministarstva) o namjenskom utrošku sredstava poticaja, potpisana od strane aplikanta i ovjerena kod nadležnog organa uprave ili notara.

Posebni prilozi

Posebni prilozi se zahtijevaju od aplikanta, ovisno o uslovima, utvrđenim za svaku pojedinu mjeru - LOT, iz tačke II ovog Javnog poziva.

Lista posebnih priloga koji se zahtijevaju:

- a) Izvještaj o finansijskom poslovanju za pravna lica - bilans uspjeha za 2024. godinu - **(za LOT broj 1.)**, osim ako je subjekt registrovan nakon 01.01.2025. godine **(ovjerena kopija)**;
- b) Rodni list za vlasnika ako je mlađi od 35 godina – **(za LOT broj 1. i 3.)**, **(ovjerena kopija)**;
- c) Potvrda o invalidnosti za većinskog vlasnika u pravnom licu, odnosno za vlasnika/e većinskog udjela u društvu, ili većinskog paketa dionica; potvrda o invalidnosti za vlasnika obrta - **(za LOT broj 1. i 3.)**, **(ovjerena kopija)**;
- d) Izvještaj o finansijskom poslovanju - bilans uspjeha za 2024. godinu - **(za LOT broj 2.)**, **(ovjerena kopija)**.
- e) Rodni list za djecu vlasnika/roditelja koji ima (3) tri i više maloljetne djece **(za LOT broj 1. i 3.)**, **(ovjerena kopija)**;
- f) Potvrda o redovnom školovanju za djecu vlasnika/roditelja koji ima (3) tri i više djece do 26. godina **(za LOT broj 1. i 3.)**, **(original)**.

Subjekt male privrede (pravno ili fizičko lice) koji je registrovan u periodu kraćem od 3 (tri) mjeseca, računajući od dana objave Javnog poziva u „Službenim novinama HNK“, nije obavezan dostaviti dokumentaciju kojom dokazuje uredno izmirenje direktnih poreza (doprinosa za MIO / PIO i zdravstveno osiguranje) i indirektnih poreza **(ovo se odnosi samo na LOT broj 1.)**.

Važne napomene:

- 1) Aplikant je obavezan navesti sve osnovne podatke u obrascu - *Zahtjev za uključivanje u Program* i odgovara za istinitost svih svojih navoda, a uz zahtjev je dužan dostaviti, istovremeno, i sve opće i posebne priloge, koji se traže za pojedini LOT.
- 2) Popis potrebne dokumentacije za svaki LOT pojedinačno, iz tačke II Javnog poziva, preuzima se sa službene web stranice Ministarstva - **(www.privredahnk.gov.ba)**.
- 3) Na svakom od dostavljenih uvjerenja / potvrda, koje aplikant prilaže uz prijavu, **mora jasno biti naznačena svrha: „prijava na Javni poziv Ministarstva privrede HNK“**.
- 4) Na dokumentima koji se prilažu u ovjerenoj kopiji, **datum ovjere** ne smije biti stariji od tri (3) mjeseca, računajući od dana objave Javnog poziva u „Službenim novinama HNK“.

V KRITERIJI ZA OCJENU PRIJAVA I ODABIR KORISNIKA

Kriteriji za odabir korisnika, i ocjenu prispjelih prijava, utvrđeni su posebno za svaki LOT, u tački II ovog Javnog poziva.

Ministar privrede HNK (u daljem tekstu: **Ministar**) imenuje Komisiju za provođenje Javnog poziva za odabir korisnika poticajnih sredstava Ministarstva (u daljem tekstu: **Komisija**).

U prvoj fazi rada, Komisija vrši administrativnu provjeru prispjelih prijava na Javni poziv Ministarstva, a nakon toga, u drugoj fazi rada, i ocjenjivanje prijava, koje ispunjavaju formalno-pravne uslove, prema kriterijima, utvrđenim u Odluci o usvajanju Programa utroška sredstava Ministarstva (u tački II ovog Javnog poziva), sve u skladu sa odredbama Pravilnika o postupcima u provođenju Programa razvoja male privrede HNK 2025.-2028. godine („Službene novine HNK“, broj: 16/25).

Komisija može dodijeliti pojedinoj prijavi maksimalno do **100** bodova.

Ocjenjivanje prijava na Javni poziv Komisija vrši na osnovu sljedećih kriterija i pripadajućih bodova za iste:

LOT 1 - POTICAJ PODZETNICIMA POČETNICIMA

1. Broj zaposlenih osoba	10
2. Vlasnik žena	10
3. Vlasnik osoba mlađa od 35 godina	10
4. Vlasnik iz kategorije ranjivih lica (osobe sa invaliditetom)	10
5. Ravnomjerna teritorijalna zastupljenost	10
6. Step en sufinansiranja	25
7. Novo zapošljavanje	20
8. Vlasnik roditelj (3) troje i više djece (maloljetna djeca ili djeca do 26 godina, koja su na redovnom školovanju)	5
Ukupno bodova:	100

LOT 2 – POTICAJ MALOJ PRIVREDI ZA DIGITALIZACIJU, NABAVKU OPREME I ALATA

1. Broj zaposlenih osoba	15
2. Step en sufinansiranja	25
3. Ravnomjerna teritorijalna zastupljenost	20
4. Dobijeni poticaji od strane Ministarstva u posljednje tri (3) godine	20
5. Novo zapošljavanje	20
Ukupno bodova:	100

LOT 3 - POTICAJ OBRTIMA, STARIM I TRADICIONALNIM DJELATNOSTIMA

1. Broj zaposlenih osoba	10
2. Vlasnik žena	5
3. Vlasnik osoba mlađa od 35 godina	5

4. Vlasnik iz kategorije ranjivih lica (osobe sa invaliditetom)	10
5. Ravnomjerna teritorijalna zastupljenost	10
6. Step en sufinansiranja	25
7. Dobijeni poticaji od strane Ministarstva u posljednje tri (3) godine	15
8. Novo zapošljavanje	15
9. Vlasnik roditelj (3) troje i više djece (maloljetna djeca ili djeca do 26 godina, koja su na redovnom školovanju)	5
Ukupno bodova:	100

Nakon završenog ocjenjivanja, Komisija sačinjava **listu uspješnih prijava na Javni poziv**, rangiranih po broju ostvarenih bodova, za svaki pojedini LOT, te pismeni Izvještaj o radu Komisije i dostavlja ih Ministru, u dalju proceduru.

Ministar utvrđuje prijedlog Odluke o odabiru korisnika poticajnih sredstava Ministarstva, kojeg dostavlja Vladi na usvajanje.

Konačnu Odluku o odabiru korisnika poticajnih sredstava donosi Vlada HNK.

Odluka o odabiru korisnika poticajnih sredstava Ministarstva, koju donese Vlada HNK, objavljuje se u „Službenim novinama HNK“ i na službenoj web stranici Ministarstva.

Podnosilac prijave na Javni poziv Ministarstva, koji ne bude odabran Odlukom o odabiru korisnika sredstava, može uložiti prigovor Žalbenom vijeću Hercegovačko-neretvanskog kantona, u roku od sedam (7) dana, od dana objave rezultata Javnog poziva u „Službenim novinama HNK“, radi provjere činjenica, vezanih za ocjenu njegove prijave.

Vlastita sredstva, kojima korisnik sudjeluje u realizaciji projekta, Ministarstvo će priznati samo ako su ista utrošena **isključivo najdalje 1 mjesec prije objave ovog Javnog poziva** u „Službenim novinama HNK“.

VI NAČIN PODNOŠENJA PRIJAVE NA JAVNI POZIV

Prijava na Javni poziv (Zahtjev) se podnosi Ministarstvu na aplikacijskom obrascu, koji se preuzima elektronskim putem, sa web stranice Ministarstva - www.privredahnk.gov.ba, a popunjava se **isključivo elektronski**.

Prijava, sa potrebnim priložima, šalje se **isključivo preporučenom poštom**, u zapečaćenoj koverti, na adresu:

HERCEGOVAČKO-NERETVANSKI KANTON
MINISTARSTVO PRIVREDE
Husnije Repca bb, 88000 Mostar

sa naznakom:

„NE OTVARATI“

Prijava po Javnom pozivu za odabir korisnika poticajnih sredstava Ministarstva privrede HNK, za LOT, broj: ____, (upisati puni naziv LOT-a)

Na poledini koverta obavezno se navodi: naziv aplikanta (pravnog ili fizičkog lica/obrta), ime i prezime odgovornog lica, adresa i kontakt telefon aplikanta, te ovjeriti pečatom aplikanta.

Rok za dostavu prijava je **petnaest (15) dana**, računajući od dana objave ovog Javnog poziva u „Službenim novinama HNK“.

Dokumentaciju, koja je priložena uz prijavu, Ministarstvo nije dužno vratiti aplikantu.

VII TROŠKOVI PRIJAVE

U postupku po ovom Javnom pozivu Ministarstvo ne snosi odgovornost prema učesnicima Javnog poziva, u pogledu aktivnosti koje su poduzeli, radi apliciranja na određeni LOT, kao ni njihove troškove.

VIII ZAVRŠNE ODREDBE

Ministarstvo zadržava pravo da dostavljene projektne prijedloge aplikanata prihvati u cijelosti, djelimično, ili ih odbije, da poništi Javni poziv, zbog opravdanih razloga, ili da odbaci sve projektne prijedloge, u bilo koje vrijeme, prije zaključenja pojedinačnih ugovora sa budućim korisnicima poticajnih sredstava.

Nakon što Vlada HNK donese Odluku o odabiru korisnika poticajnih sredstava, sa subjektima male privrede, koji budu uvršteni u listu korisnika sredstava, Ministarstvo zaključuje pojedinačne ugovore o implementaciji poticajnih sredstava (u daljem tekstu: **ugovor**).

Ugovor obavezno sadrži: predmet i cilj ugovora, visinu, namjenu i rok implementacije odobrenih sredstava, prava i obaveze ugovornih strana (kao što su način izvještavanja o

utrošku sredstava, inspekcijski nadzor nad utroškom sredstava, u svrhu za koju su odobrena, sankcije u slučaju nepoštivanja ugovora i ostalo), uslove za raskid ugovora, te rješavanje eventualnih sporova.

Ugovor stupa na snagu kada ga uredno potpišu obje ugovorne strane, s tim da rok za implementaciju projekta, u trajanju od **najduže šest (6) mjeseci**, počinje teći od dana uplate novčanih sredstava na račun korisnika.

Nakon isteka roka za implementaciju projekta, u periodu od **najviše 30 dana**, svaki korisnik sredstava je dužan dostaviti Ministarstvu elektronski popunjen obrazac *Izveštaja o implementaciji dodijeljenih sredstava*, sa relevantnom dokumentacijom, kojom se dokazuje namjenski utrošak sredstava.

Sve dopunske informacije, vezane za ovaj Javni poziv, mogu se dobiti svakim radnim danom, putem telefona Ministarstva, broj 036/551-069, **u periodu od 11-13 sati**.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
MINISTARSTVO PRIVREDE

Broj: 03-24-637/25-8
Mostar, 04.12.2025.godine

Ministar

Zanin Vejzović s.r.